

Societatis Jesu Augustæ.

IOANNIS PLANERII

QVINTIANI BRIXIENSIS

ARTIVM ET MEDICINAE

DOCTORIS

Varia Opuscula:

Epistolæ morales.

Patriæ descriptio: in qua de animorum immortalitate.

Henrici Regis ad Urbem Venetam aduentus.

De Comete, 1577.

De Lacte.)

CVM PRIVILEGIO.



VENETIIS,

Apud Franciscum Zilettum. 1584.

MO
ILLVSTRISS. VILLAE CLARAE
COMITI ALPHONSO
MARTINENGO,
DOMINO HVMANISSIMO
IOANNES PLANERIVS.

QVM Venetijs essem, delatus fuit ad me liber hic De laudibus Venetis ab hæredibus Ioannis Francisci Quintiani Stoæ, Poetæ, & Oratoris Clarissimi, quem librum iam multis annis antea uideram, & Quintianis uitam descripseram: libuit etiam tunc librum hunc ad doctissimos Venetæ ciuitatis Poetas, & Oratores deferre: placuit & ipsis mirum in modum libri lectio: Horum alij copiam dicendi, & uenustatem, alij artificium, & eruditionem mirati, authorem operis summo opere laudarunt: orabant etiam me ne tanti uiri labores in tenebris delitescere permitterem. His adhortationibus accensus ego, & rem mihi laude dignam, & eruditissimis illis uiris gratissimam me facturum existimaui, si opusculum hoc impressoribus cudendum traderem. Accessit ad hanc animi mei ad edendum opusculum propensionem singularem, amor patriæ, & uetus inter me & Quintianum amicitia: ingratus sanè in ipsum uideri poteram, nisi aliquas eius uiri uigilias uitæ uentibus, & posteris legendas traderem: idque sola arte impressoria mihi fuerat præstandum. Dum hæc cogitassem: tibi potissimum Alphonse Comes Illustrissime opus hoc dicandum esse uolui: tu enim in adolescentia cum fratre tuo Aenæa Comite sub Quintiani disciplina in re literaria multos annos militasti: rectam & dicendi, & scribendi artem percepisti: facultatem oratoriam, & poeticam imbibisti. Suasit etiam ad
impri-

imprimendum summa patris tui olim erga Quintianum
obseruantia: quem æque ac patrem sibi constituit aman-
dum: fouebat enim pater tuus Bartholomæus Comes il-
lustrissimus doctorum hominum ingenia: hi erant, Lucar-
nus frater Franciscanus, Theologus, & concionator ma-
ximus: Lucas Gauricus, Astronomus peritissimus: Nec
silentio inuoluenda est disciplinæ militaris peritia, in qua
ipse sub Illustrissimo Senatu Veneto: sub Carolo Quinto
Cæsare: & alijs Principibus stipendia meruit: multarum
Vrbium gubernator extitit: Accipe igitur Alphonse Co-
mes Illustrissime, & humanissime hanc copiosissimam, &
eruditissimam De laudibus Venetis impressam Quintiani
historiam: quam si tibi placuisse sensero, ad edendum e-
tiam reliqua eius uiri uolumina meipsum excitabis.

Brixia. 1583.